

序目
凡例
目錄

天時部

星野志

祥異志

氣候志

蒙

化

志

稿

第

一

冊

蒙化縣教育局圖記

蒙化志稿

鑒定

署

蒙

化

縣

知

事

李春曦

第四屆分發雲南署蒙化縣知事李瑗

編輯

第四屆分發江蘇咨留廣東縣知事前清舉人梁友櫝

叅校

第三屆分發福建縣知事前清進士署福寧泉州府知府

叅校

李增爵

前瀾勒縣竹園分治員靖國第八軍秘書長陳國璜

日本速成師範畢業前清舉人束用中

第四屆分發甘肅縣知事前丹噶爾同知趙國珍

前清癸巳科舉人張霖

第一屆省議員前清舉人王汝嘉

前清舉人四川鹽大使陳秉謙

法政畢業高等檢察廳書記官前清舉人趙國琪

前清京師政治經濟預科畢業四川通判署崇寧縣知縣

徐咸泰

陸軍中校前清陸軍測繪學校畢業趙時清

前清職元江西瑞金縣湖陂司巡檢范慎修

代理浪滄江縣佐前清諮議局議員趙叔良

第二屆省議員梁則謙

蒙化縣立中學校校長前清優級師範畢業楊座清

蒙化縣立中學校校長前清優級師範畢業趙國爾

前清副貢歷任嵩明石屏州訓導范棠

前清歲貢劉應元

優級師範畢業前清附生孟嘉言

實業員長前清歲貢梁友歧

前清歲貢楊本立

前清附生張師德

前

清

附

生·陳日新

採訪

省農校附設女子師範講習科監學前清歲貢·杜·漣

前清歲貢生勸學所總董王·塤

前清歲貢生劉志遙

優級師範畢業前清歲貢生楊金垣

前清增生城議事會議長歐陽鑑

勸學所所長前清優廩生饒廷慶

彌勒十八賽分治員前清拔貢四川州判郭·崙

前清己酉科拔貢四川州判曹文昭

前

前

前

前

前

前

前

前

前

前

清

清

清

清

清

清

清

清

清

附

附

貢

附

附

附

附

附

增

附

經

生

生

生

生

生

生

生

生

生

銜

杜鑫

高聯登

趙時墉

范杞

羅萬象

彭楚賢

林依雲

張炳

李汝珍

李廷珍

前 前 前

清 清 清

附 附 附

生 生 生
范 左 陳
棣 恩 壽
國

繪圖

省立第二中學校畢業 王開周

古者周官宗伯之屬有外史以掌四方之志而鄉遂都鄙之版圖風俗山川物產又有司會黨正誦訓小史訓方小史訓方山師川師原師等職以記載靡遺至於行人之獻五書職方之聚圖籍太師之陳風詩自下以達之上故采摭備而制度益精秦漢而還外史失職地方政俗莫由上聞唐宋以來始有郡縣志乘雖其書無專官定制而聽人之自為故其例亦參差而不可為典要然備一方掌故未始非封建時列國史官之遺民國初元部令督修各行省縣志久之鮮成者滇惟大理玉溪路南數縣獲覩成書令徐君葆權復出其邑人梁君與新修蒙化志稿見示以一人之力緣舊志之文復網羅數十百年間放失舊聞以增潤之於風俗賦役諸大端

三復致意焉非特可備國史之要刪而亦有裨治理蓋治化演進
降而益繁額已守常而莫由自振拔則政日窳敝固無以與列強
爭存然欲除舊布新舉國民之素所服習者一旦悉歸擯棄則人
心必蹙然其不甯將篤故與驚新相抵觸而釀為奇變是故善為
治者詳審古今得失之林通其變而使民不倦其大者必取鑑於
國史而其細者必博考夫方志庶施於有政有以協夫風土習尚
之宜此予所以深喜梁君斯志之成而尤望治國聞者之相踵而
起也民國九年二月劍川周鍾嶽序於雲南省長公署

蒙化志稿序

慨自光復以來縣之有志者不數數觀也戊午冬予來守是邦邑人梁君君與以蒙化志稿見示梁君爲邑名孝廉學識俱優夙昔掌教邑中書院篤念桑梓留心掌故於縣志一書夙抱修輯願當其未出山也已。有蒙化鄉土志之編纂書未成而弓旌下逮矣客歲倦遊歸里乃復摭舊箚得殘稿不勝時過境遷之慨維時有又促先生出者先生則曰縣志不成是吾責也於是殫精竭慮博採旁摭或徵諸舊志或參諸各書或攷之私家著述自漢迄清上下數千年中朗若列眉間有疑者到闕之蓋以徵信也予讀其書見夫分天時地利人和爲三大綱都二十六卷條分縷晰若網在綱

作者有牟尼貫珠之美閱者無佶佻敖牙之虞洵哉大觀也雖然
猶有說蒙邑自漢以前諸多不足徵迄漢元光五年始內附歷數
朝而沿革時易秉筆者煞費經營矣先生成是書不以府名不以
廳名不以邑與郡名僅目之曰蒙化志稿誠以蒙邑自歸附後疆
域田賦秩官諸大端代有興廢與其限以府廳諸名不若統以蒙
化名之之爲得也不誠大費苦心耶後之人有繼梁君而起者予
尤願其志先生之志及時而續修之則誠予之厚望也夫是爲序
時在民國八年歲次己未春正月望日武昌善徵李瑗氏序

蒙化志稿序

邑之有志無異國之有史然史載其略而志載其詳國無史徵之於志邑無志直無從徵矣是志之視史爲尤要歲戊午予承乏蒙邑訪求蒙化志而一覽之所得僅清乾隆五十五年以前舊志後竟闕如意學校林立科學新尙以言歷史地理莫不競談五洲之大觀而獨於桑梓掌故聽諸消沉揆之士夫愛國愛鄉之雅意當不其然繼乃訪聞邑孝廉梁君與先生抱經世才於桑梓故實利弊尤有心得士林頗推重之先生前輯有蒙化鄉土志一稿雖編就成書而於事實尙未大詳又復編纂蒙化志稿一書未就而遂出山是歲先生倦遊歸里予敦促速成之先生慨然允許秉筆之

餘去僞存眞殫心竭智前稿悉就裁成並將舊志鄉土志叅酌損益合併爲一上自乾隆下迄宣統舉有清一代吏治人才節義風尚學校軍備賦稅諸大端利病得失無不瞭如指掌前車之鑑昭示來茲而其爲書也猶復一綫穿珠繁簡得宜令閱者眉目分明用是彰其美而傳其盛者胥是志也此則先生之成始而成終也夫

民國七年歲次戊午冬十月保山李春曦竹喬氏序

蒙化縣志序

良桐嘗以吾鄉志乘缺如文獻無徵匪特官府之責抑亦居是邦之士君子所當引以爲己任者不自量力竊欲旁搜博採勘成一書而十餘年來南北饑驅卒卒鮮暇名山事業徒日往月來於心臆閒而精力漸衰矣己未秋以事滯昭通城適梁君君與來守是邦一見如生平歡時相過從閒出其所爲蒙化縣志索序於予受而讀之其體例之新叙事之簡當論斷之謹嚴覽者自得之無俟贅述惟君與曾主講席於其鄉者七年卽能成此煌煌鉅製而良桐承乏於吾鄉之講席者亦嘗七年矣悠悠忽忽一無所成對君與不能不內愧而滋咎也而良桐尤有感者世事瞬變如浮

雲不可測士大夫之羣趨於功利之一途者則一成而不變變也
又百變不離其宗孔孟之書且猶土苴視之誰復知志乘之爲何
事也 君與獨能以舉世不爲之時專精畢慮竭一己之力闡潛
德之幽光詳地方之利弊以備他日史官之考証不急急於時榮
而惟一眼覬定此千秋不朽之大業其識量爲何如也良桐學殖
淺陋重以荒落何足以序是書第因此一序得附名其中以傳於
千百世之後雖吾邑志乘不及於吾身爲之其亦可藉此以不朽
也夫大關吳良桐子伯甫序

蒙化志稿序

地方之有志乘所以徵文獻寓勸懲動鄉土之觀感記時會之變遷其事重且要也余方幼學聞父老談鄉先輩軼事及鄉里古蹟輒傾耳不倦洎弱冠科舉變而學堂負笈會垣尋復遠適異國歷攷學校制度見所謂歷史地理教科者靡不由近及遠自鄉邑而推及於一省一國漸及世界五大洲至是益信志乘之纂修爲地方所不容緩吾鄉志乘前明朱方茅先生所修已無存本所存者修自郡承蔣旭由漢迄清初歷有紀載嗣經郡紳徐時行續修僅及乾隆五十五年而止自時厥後事故頻繁回亂作而禍變非常鴉片興而風尚頓改清季變法維新舉凡學制兵備糧稅諸大端

多。因革損益又因清理插花地段及民國分設縣治疆域亦有沿革不有紀述其奚以承先牴而示後人每一念及心焉憾之顧以游宦頻年有志而未之逮民國初元回滇供職日奔命於簿書樽俎間更無餘暇及此六年靖國軍起于役粵東梁君君與偕行公餘屢與計議知梁君究心於此已歷有年稿雖草創而未竟也事竣返滇乃促梁君旋鄉足成之逾年梁君需次會垣出所爲蒙化志稿念六卷披閱一過縷晰條分竊喜吾鄉攷獻徵文勸善懲惡愛土物而識事變者有此完全無缺之成書而余心十餘年之缺憾亦藉此而稍彌過此以往再歷若干年歲人羣進化將日新月異而歲不同吾鄉後起士夫有應時勢之要求攷梓桑之掌故